

puncten. 10. vñ reyh mit dem andern fuß auf dem Centrum. a. im forgemelten blat den anderen ryß/ also thū jm durch alle sechs spizige bletter/ vnd auch diser ryß centra/ in den puncten der bußaben der spizigen bletteren. Es sind auch zweyerley steren zureyßen/ auf eim fünfeck / vnd fibeneck/ thū jm also/ reyh ein cirkellinien vmb ein fünf/ vnd auch vmb ein fibenn eck. Darnach setz ein cirkel mit dem einen fuß in den puncten einen/ der im cirkelyß stett/ vnd thū den anderen fuß/ so weht auf/ das er die zwen negsten puncten in den seyten rür/ vnd reyh rund von eim zum anderen/ also far zu rings herumb/ das thū im fünf vñ fiben teylen. so sichstu w̄ disse ryß für zwen sterē machen. Wie ich sōlichs alles hernach aufgerissen hab/ auf solichem würst du geursacht vil anders mer zu ziehen. Es ist auch vill selzams maswerchs/ durch die drümer des cirkels zu reyssen.

